

✓ ՀՀ Լոռու մարզի Վանաձոր քաղաքի
Քաղաքապետ պ-ն Մ. Ասլանյանին
Վանաձոր քաղաքի ավագանու անդամներին
Նույն քաղաքի Գ. Նարեկացու և Չարենցի
Փողոցների բնակելի առանձնատների և
Բազմաբնակարան շենքի բնակիչների
Կողմից


Դիմում

Հարգարժան քաղաքապետ և ավագանու հարգարժան անդամներ

Մենք դիմում ենք Ձեզ ներքոհիշյալ խնդրանքով: Ինչպես հայտնի է 2014 թվականի օգոստոսի 1-ի լույս 2-ի գիշերը Արցախի Հանրապետության Մարտակերտի տարածաշրջանում ադրբեջանական դիվերսիոն մեծաքանակ խմբի դեմ անհավասար մարտում նահատակվեց հրամանատար կապիտան Զորիկ Ժիրայրի Գևորգյանը(անորսալի միայնակ գայլ): Այդ մարտում մահացու վիրավորվեց նաև Շիրակի մարզի Մայիսյան գյուղի բնակիչ՝ Զորիկի հավատարիմ զինակից սերժանտ Սարգիս Մովսիսյանը: Ինչպես է ընթացել մարտի վերջնամասը, այդ մասին պատմել էր դեռևս կենդանի, ծանր վիրավոր սերժանտը (նա իր մահկանացուն կնքեց զինվորական հոսպիտալում): Ցավակցական հոսքում ՀՀ Պաշտպանության նախկին նախարար Ս. Օհանյանը նշեց, որ Զորիկը այդ գիշեր մի ամբողջ պատերազմ կանխեց: Նա կասեցրեց ազերիների մուտքը դեպի Արցախի սուրբ հող՝ թշնամուն պատճառելով բազմաթիվ մարդկային և զին. տեխնիկային կորուստ: Այդ սխրանքի համար Զորիկը ՀՀ նախագահի հրամանագրով պարգևատրվեց «Մարտական խաչ» II աստիճանի շքանշանով: Իսկ պարոն բակո Սահակյանի հրամանագրով արժանացավ «Խիզախության համար» մեդալի:

Զորիկ Գրորգյանի սխրանքը և նրա անունը հավերժացնելու համար առաջարկում և խնդրում ենք.

- 1) Վանաձոր քաղաքի փողոցներից մեկը անվանակոչել հերոս լոռեցու՝ Զորիկ Գևորգյանի անունով
- 2) Գ. Նարեկացու փողոցի թիվ 6 շենքի պատին փակցնել հուշատախտակ: Այդ շենքի թիվ 22 բնակարանում է ապրել Զ. Գևորգյանը մանկության տարիներին:



Ձ. Գևորգյանի անունով են կոչվել:

- ա) Վանաձորի Պետական Համալսարանի հենակետային քոլեջը:
- բ) Ալավերդի քաղաքի Սայաթ-Նովայի անվան դպրոցի մեկ դասարան:
- գ) Վ. Սարգսյանի Ռազմական համալսարանի մեկ հետախուզական լսարան:
- դ) Հավերժ գրանցվել է Ռազմական համալսարանի ներկաների ցուցակում:
- ե) Նրա ննջասենյակում պահպանվում է իր անկողինը:
- զ) Դիլիջան քաղաքի Մ. Մելքոնյանի անվան Ռազմական ուսումնարանի մի ամբողջ դասարանի ունկնդիրներ կոչվում են <<Զորիկներ>>:
- է) Կան տեղադրված բազմաթիվ խաչքարեր՝ ի հավերժություն նրա սիրանքի:
Նախապես մեր շնորհակալությունն ենք հայտնում Վանաձորի քաղաքապետին և ավագանուն:

Գ. Նարեկացու և Չարենցի փողոցի բնակիչների անունից



/Սարիբեկ Գևորգյան/

<<7>> մարտի 2018թ. , ք. Վանաձոր

Հեռ. 095 62-82-71



